



«La quietezza interna manca»

A vess la gliעד ussa temp per leger? Tenor ina librarista n'han blers betg la testa libra per litteratura.

7



Nagina fermativa a Sedrun

La directura da turissem deplore-scha, ha dentant chapientscha per l'annullaziun dal Tour de Suisse.

3

südostschweiz

# LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

■ ENGIADINA

## Lavur cuorta eir per dirigents

(fmr/afi) Ingünas prouvas da musica ed ingüns concerts, uschè as preschainta la situaziun per las societats da musica il Grischun.

A chaschun da la radunanza da delegats da l'Uniu da musica chantunala sun ils preschaints gnüts infuormats davart las indemnizaziuns da la Confederaziun. Pervi da la pandemia dal coronavirus vaiva la

suprastanza decis da realisar la delegiada annuala per video-livestream. *Andy Kollegger*, il president da l'Uniu da musica chantunala, ha dit cha la premiera saja gratiada bain. Ils delegats han elet duos novs commembers illa suprastanza e decis il lö per la prosma festa da musica chantunala.

> PAGINA 7

■ SURSELVA

## Vischnauncas ageschan cun prudientscha

(fmr/hh) Las vischnauncas d'Ilanz/Glion e Mustér reageschan sils problems finanziazi che sedattan en connex cul coronavirus. Aschia ha la suprastanza communal dad Ilanz/Glion decidu differentas mesiras per facilitar la situaziun dalla liquiditad per fatschentas, mo era per vischins pertuccai. Aschia duein per exempel ils quens per taxas vegnir tarmess pli tard.

Semegliantamein reagescha la vischnaunca da Mustér silla situaziun malguessa dil mument. Las taxas da turissem che vegnevan speditas normalmein il matg vegnan sistidas il mument. La suprastanza communal d'Ilanz/Glion ha salvau sia seduta l'jamna vargada per conferenza da video, quella da Mustér en halla Cons.

> PAGINA 3



La situaziun malguessa dil mument cul coronavirus pretenda sentiment dallas vischnauncas.

FOTO H. HUONDER

■ GRISCHUN CENTRAL

## «Nous ischans solos»

(fmr/gns) Or da tgesa dastgan *Tona e Silva Casparin* betg eir a Lugano noua tgi igl pèr è datgesa. Pigl mument renuntga igl anteriour patrung dalla Furna-reia Casparin, tgi passainta ena buna part da sia pensiun an Tessin aint igl ravogel dalla famiglia da sia donna, da neir a Savognin. Ossa siva da passa treis emdas en Tona e Silva Casparin

betg ple stos a Savognin cun esser pertutgia igl Tessin fitg ferm dil coronavirus. Chel cantun è er las restricziuns las pi rigurosas perveia da chel infect viral tg'è ossa deraso segl antier mond. Tona Casparin rachinta tgi Lugano seia scu mort or, ins veia betg olma per veia.

> PAGINA 6

# Theo Candinas – rebel e filosof

Ina ferma e franca vusch romontscha quescha – sia litteratura viva denton vinavon

DA MARTIN CABALZAR/FMR



Igl autor sursilvan Theo Candinas ei morts mesjamna vargada.

FOTO J. F. PAJAROLA

> PAGINA 2

Cun Theo Candinas piarda la Romontscha in da ses pli valents e profilai scribents e publicists contemporans. Sia ovra ei vasta e varionta e tonscha da prosa e lirica sur columnas e glossas entochen al giug auditiv ed al teater. Siu reh relasch litterar cumpeggia varga 30 publicaziuns, era vertidas en auters lungatgs. El decuors da siu operar litterar ei Candinas semidaus dil rebel giuvenil e rabiat al filosof savievel ed advertent. Sco «enfant terrible» dalla litteratura romontscha ei Candinas buca senuspius da rumper tabus, da prender silla corna prers e politichers e da turzegiar hipocrisias, moralas dublas, ingiustia, intolleranza e tenutas dogmaticas ed antidemocraticas.

## El reginavel dil luf

Il cudisch «Wolfsodysee» da Peter A. Dettling ei cumpariu



Gia igl onn 2006 eis ei reussiu a Peter A. Dettling da fotografar in luf en Surselva.

FOTO P. A. DETTLING

DA HANS HUONDER/FMR

■ 268 paginas cun impressiuns, constataziuns ed experiencas davart il luf cumpeggia il cudisch «Wolfsodysee» da Peter A. Dettling ch'ei gest cumpariu. Ils davos 16 onns ei il Tua-

tschin serendius en differentas tiaras per scuvierer la veta dil luf, per fotografar el e per saver capir meglier siu cumportament. Il resultat da quei engaschament ei ussa d'anflar en in interessant cudisch. Quel vegn ludaus da pliras varts. El seigi in document da grond'im-

purtonza per la discussiun actuala davart il retuorn dil luf, denter auter en Svizra. Il cudisch ei illustraus rehomein. Las fotografias muossan las sentupadas che Dettling ha giu cul pli vegl cumpogn dil carstgaun – canis lupus. El descriva quellas en ina fuorma fasci-

nonta e captivonta. Igl ei buca l'emprema ga che Dettling publichescha lavurs davart il luf. El ha gia fatg quei en differentas contribuziuns alla televisiun ni era en rama da publicaziuns da cudischs.

> PAGINA 5



Servetsch d'abunents e da distribuziun: tel. 0844 226 226 mail: abo@somedia.ch

# «Il luf ha formau fermamein mia persuna»

Peter A. Dettling – igl autur dil cudisch «Wolfsodysee» – s'exprima davart sia relaziun e lavur cul luf

DA HANS HUONDER/FMR

■ Il cudisch «Wolfsodysee» ei il resultat d'ina lavur intensiva ed entusiastica da Peter A. Dettling davart il luf. Igl autur e fotograf ch'ei carschius si a Sedrun snega lu era buca ch'il cudisch svegli en el legria e satisfacziun.

*Peter A. Dettling, Vos haveis gia collaborau e publicau differentas ovras davart il luf ed igl uors. Quella ga signeis Vos persuls per text e fotos d'in cudisch fetg voluminus che sefatschenta spirontamein dil luf. Co essas Vos cuntents cul product final?*

**Peter A. Dettling:** Legreivlamein haiel jeu retschert il product final gest il mument ch'jeu sundel lundervi da rispunder allas damondas per questa intervista cheu el Canada, miu secund dacasa. Igl ei enzatgei nundetg special d'arver plein battacor ina scatla e da saver prender enta maun in'ovra ch'jeu haiel luvrau rondund 16 onns vidlunder. Ina gronda part da mia veta persunala sco era professunala ei d'anflar denter quels dus uvriarchels. Jeu resentel ina gronda legria, satisfacziun ed era ina certa luschezza.



Peter A. Dettling ha fatg numerusas fotos da lufs naven dalla Surselva entochen el Canada.

## Gronda legria e satisfacziun

*Ei quei cudisch ina specia da diari?*

Gie e na. Dad ina vart raquentel jeu da mias experientschas culs lufs ord ina perspectiva fetg persunala e quei en fuorma cronologica. Aschia sa la lectura ni il lectur accumpagnar mei sin in viadi naven da Canada, Stadis Uni entochen

ella Surselva e sil Calanda. Sin quella via empren il lectur buca mo d'enconuscher differentas famiglias da lufs, mo bein era miu svilup persunal enviers il capir la specia. Plinavon empren el era co la savida dil luf el mund scientific ei sesviluppada. La finfinala – e quei ei impurtont – vegnan mias experientschas persunalas culs lufs adina puspei sustenidas da studis e lavurs scientificas. Aschia – crei jeu – dat quei in bien equilibrer denter prosa e savida scientifica. Mia ultima finamira era ei denton da crear in'ovra che selai leger sco ina aventura: plein tensiun, drama e fascinaziun.

*El cudisch sent'ins Vossa gronda savida davart il luf, mo era Vossa carezia per quei animal. Tgei relaziun haveis Vos tiel luf?*

Igl ei in dils treis animals ch'ei in pli datier da miu cor. Ils dus auters ein il capricorn ed il bison. Il luf denton fatschenta mei sin ina moda persunala e professunala sco negin auter animal e quei dapi 16 onns, sche buca pli ditg. Il bi vid il luf ei ch'ins empren d'enconuscher duront perscrutar ils animals selvadis nundetg bia dalla natira en general e co tut ei colligiun sin quest mund. Il luf ha era dau a mi la caschun

da mirar cun in egl critic sin nosa societad e co nus tractein il luf e la natira en general. Detg cuort: Il luf ha formau fermamein mia persuna, miu caracter.

*2006 haveis Vos fotografau sco emprem il luf en Surselva, era quella historia descrivis Vos el cudisch. Haveis Vos sminau lu tgei svilup che suon-di cheu ils proxims onns e ch'ei detti 14 onns pli tard rodund 15 lufs en Surselva?*

Quella damonda less jeu rispunder en duas parts. Lentschatta dils onns 90 haveis jeu mai sminau ch'ils lufs sappien turnar tier nus ils proxims decennis. Ei era plitost in patratg abstract. Denton cura ch'igl emprem luf ei vegnius suls cunfins igl onn 1995 neu dall'Italia e la fin da 2001 era ella Surselva han ins saviu sminar che quei seigi mo lentschatta d'in pli liung process.

Cura che l'emprema famiglia da lufs ei seformada giu sper Cuera igl onn 2012 hai jeu supponiu che la derasaziun vegni a succeder spert. Denton ha ei cuzzau sis onns entochen ch'ei ha dau novs roschs en Surselva. Quei ei iu bia pli plaun che quei ch'jeu havevel sminau. Ussa havein nus treis famiglias da lufs che vivan per gronda part sin territori sursilvan e forsa sedat beingleiti ina quarta.

## Animal diabolisau

*En Svizra ei la discussiun davart il retuorn dil luf fetg cuntraversa. Daco ei quei aschia e tgei experientschas haveis Vos fatg en autras tiaras?*

*L'intervista ei vegnida fatga a scret.*

# Da «White Heart» e dalla veta dil luf al Calanda

Il cudisch «Wolfsodysee – in viadi el reginavel tschelau dils lufs» da Peter A. Dettling ei cumpariu

DA HANS HUONDER/FMR

■ Il cudisch «Wolfsodysee» ei aschidadir il resultat dalla lavur da perscrutaziun, foto e film ch'il Tuatschin Peter A. Dettling ha fatg ils davos 16 onns. El ralata da si'emprema scuntrada cun lufs, dalla historia dil luf en Surselva e dalla veta dil triep da lufs al Calanda, mo era d'auters el Canada. Igl ei in'interessanta publicaziun, adattada per in e scadin che vul saver dapli davart il luf. «Wolfsodysee – in viadi el reginavel tschelau dils lufs». In meglier tetel haveis Peter A. Dettling buca saviu catar per siu cudisch davart il luf. L'ovra cumparida quels dis ella Casa editura Werd & Weber SA a Thun/Gwatt respelnd numnamein la fascinaziun digl autur per quei animal da rapina grond, mo era si'enorma perseveronza da perseguitar el. Tgi ch'ei magari ella natira e persequitescha la fauna sa che veser igl animal preferiu pretenda pazienza e meinsvart era bia direzia, surtut ils muments che l'aura ei buca sco en stiva. Quei ha Dettling ch'ei carschius si a Sedrun e ch'ha anflau siu secund dacasa el Canada fatg sur biars onns. En quei temps eis el era daventaus pertscharts dils conflicts denter carstgaun e luf, surtut leu nua ch'il luf ei sederasaus suenter esser vegnius diabolisau ed extirpau pli baul. Aschia en Svizra, el Grischun ed en special era en Surselva. Ins sa esser pro ni contra luf – mo ins duess enconuscher la natira digl animal avon che giudicar el cun pregiudezis. Quella via ei il fotograf, filmader e scribent tuatschin ius cun tutta consequenza.



La scuntrada digl uors culs lufs – fotografada da Peter A. Dettling.


FOTOS MAD

**Dil Grischun a Canmore**  
Il cudisch cun 268 paginas e biaras interessantas fotografias ei la lavur da Dettling duront ils davos 16 onns. El ha perscrutau, filmau e surtut era fotografau lufs en differentas tiaras – aschidadir naven da Schlans entochen Yellowstone. El ha dau nums a lufs – denter auter «White Heart» – ch'ei curdai specialme in egl ad el. Dettling relata d'interessantas scuntradas cun persunas engaschadas en favur dil luf e descriva ses viadis ora ella natira, lunsch naven dalla civilisaziun. En ina maniera autentica e captivonta rapporta el da sia observaziun, ses sentiments e sia veta dil luf, cumbinada cun constatziun e sco-

partas dalla scienza. La publicaziun lai separticipar il lectur als viadis intensivs digl autur ella natira. Aschia per exempel la scuntrada cul luf dalla Surselva avon 14 onns. El ei staus igl emprem ch'ha fotografau in luf returnau en Surselva, la fotografia ha fatg furore. La Casa editura Werd & Weber SA scriva: «Il cudisch ein in plädoyer incarnau per ina coesistenza da luf e carstgaun.» Il medem mument ei il cudisch denton era ina revista che descriva la tscherca dil spért dil luf.

**Per la debatta politica**

«Wolfsodysee ei ina biografia, ina historia dalla natira, in perscrutaziun dil sede-



Il frontispezi dil niev cudisch da Peter A. Dettling: «Wolfsodysee».

putar dil luf ed in'avventura enina. Igl ei ina retschera detagliada d'in ambient autentic, cumbinada cun registraziun fascinontas», puntuescha la casa editura ed igl expert dad uors, autur e reschissur *Reno Sommerhalder* giudichescha l'ovra suandontamein: «La savida che Dettling ha recaltgau en ina moda fetg dira ei ina dallas impurtontas vuschs el cumbat per la protezzion da quella creatura da fetg grond'impurtonza ecologica.» *Elli H. Radinger*, l'autura dil cudisch «Die Weisheit der Wölfe», puntuescha: «Quei ei in fetg impurtont cudisch che vegn a procurar per discussiun, surtut en veta al retuorn dils lufs en Svizra.» *Kurt Kotr-*

*schal*, professor all'Universitad Vienna, scenziau dil comportament ed autur constatescha: «Igl ei in dils pli impurtonts ed actuals cudischs davart il luf ed il carstgaun.»

**Malegiar – fotografar – filmar**

Peter A. Dettling ch'ei naschius 1972 e carschius si a Sedrun ha fatg igl empredissadi sco designader da construcziun aulta avon ch'entscheiver a sededicar cumpleinamein agl art e la fotografia d'animals selvadis. 2005 eis el emigraus el Canada, oz viva el per gronda part a Canmore sper Banff. 2013 eis el returnaus per 16 meis en Svizra nua ch'el ha persequitau intensivamein la famiglia da lufs al Calanda. In dils impurtonts eveniments ch'ha svegliu sia fascinaziun pil luf datescha digl onn 2005. Lu ei Dettling numnamein seconfruntau cun diesch lufs. Quella sentupada ha lu mai dau ruas al fotograf. Dapi lu ein numerusas fotografias da lufs en Surselva, al Calanda, el Canada ed ils Stadis Uni dall'America reussidas ad el. «Wolfsodysee» ei aschidadir ina biografia, ina historia dalla natira, perscrutaziun dil comportament dil luf e leutier in viadi d'aventuras. La publicaziun duei svegliar la capientscha e l'empatia pil pli vegl cumpogn dil carstgaun: canis lupus – il luf.

«Wolfsodysee» da Peter A. Dettling. 268 paginas el format 16 x 23 cm. 83 fotografias. ISBN 978-3-03922-011-3. Prezi 39 francs. Il cudisch ei cumpariu ella Casa editura Werd & Weber SA a Thun/Gwatt. [www.werdverlag.ch](http://www.werdverlag.ch)

# «Il luf ha formau fermamein mia persuna»

Peter A. Dettling – igl autur dil cudisch «Wolfsodysee» – s'exprima davart sia relaziun e lavur cul luf

DA HANS HUONDER/FMR

■ Il cudisch «Wolfsodysee» ei il resultat d'ina lavur intensiva ed entusiastica da Peter A. Dettling davart il luf. Igl autur e fotograf ch'ei carschiu si a Sedrun snega lu era buca ch'il cudisch svegli en el legria e satisfacziun.

*Peter A. Dettling, Vos haveis gia collaborau e publicau differentas ovras davart il luf ed igl uors. Quella ga signeis Vos persuls per text e fotos d'in cudisch fetg voluminus che sefatschenta spirontamein dil luf. Co essas Vos cuntents cul product final?*

**Peter A. Dettling:** Legreivlamein haiel jeu retschert il product final gest il mument ch'jeu sundel lundervi da rispunder allas damondas per questa intervista cheu el Canada, miu secund dacasa. Igl ei enzatgei nundetg special d'arver plein battacor ina scatla e da saver prender enta maun in'ovra ch'jeu haiel luvrau rondund 16 onns vidlunder. Ina gronda part da mia veta persunala sco era professunala ei d'anflar denter quels dus uvriarchs. Jeu resentel ina gronda legria, satisfacziun ed era ina certa luschezza.



Peter A. Dettling ha fatg numerusas fotos da lufs naven dalla Surselva entochen el Canada.

## Gronda legria e satisfacziun

*Ei quei cudisch ina specia da diari?*

Gie e na. Dad ina vart raquentel jeu da mias experientschas culs lufs ord ina perspectiva fetg persunala e quei en fuorma cronologica. Aschia sa la lectura ni il lectur accumpagnar mei sin in viadi naven da Canada, Stadis Uni entochen

ella Surselva e sil Calanda. Sin quella via empren il lectur buca mo d'enconuscher differentas famiglias da lufs, mo bein era miu svilup persunal enviers il capir la specia. Plinavon empren el era co la savida dil luf el mund scientific ei sesviluppada. La finfinala – e quei ei impurtont – vegnan mias experientschas persunalas culs lufs adina puspei sustenidas da studis e lavurs scientificas. Aschia – crei jeu – dat quei in bien equilibrer denter prosa e savida scientifica. Mia ultima finamira era ei denton da crear in'ovra che selai leger sco ina aventura: plein tensiun, drama e fascinaziun.

*El cudisch sent'ins Vossa gronda savida davart il luf, mo era Vossa carezia per quei animal. Tgei relaziun haveis Vos tiel luf?*

Igl ei in dils treis animals ch'ei in pli datier da miu cor. Ils dus auters ein il capricorn ed il bison. Il luf denton fatschenta mei sin ina moda persunala e professunala sco negin auter animal e quei dapi 16 onns, sche buca pli ditg. Il bi vid il luf ei ch'ins empren d'enconuscher duront perscrutar ils animals selvadis nundetg bia dalla natira en general e co tut ei colligiun sin quest mund. Il luf ha era dau a mi la caschun

da mirar cun in egl critic sin nosa societad e co nus tractein il luf e la natira en general. Detg cuort: Il luf ha formau fermamein mia persuna, miu caracter.

*2006 haveis Vos fotografau sco emprem il luf en Surselva, era quella historia descrivis Vos el cudisch. Haveis Vos sminau lu tgei svilup che suon di cheu ils proxims onns e ch'ei detti 14 onns pli tard rodund 15 lufs en Surselva?*

Quella damonda less jeu rispunder en duas parts. Lentschatta dils onns 90 haveis jeu mai sminau ch'ils lufs sappien turnar tier nus ils proxims decennis. Ei era plitost in patratg abstract. Denton cura ch'igl emprem luf ei vegnius suls cunfins igl onn 1995 neu dall'Italia e la fin da 2001 era ella Surselva han ins saviu sminar che quei seigi mo lentschatta d'in pli liung process.

Cura che l'emprema famiglia da lufs ei seformada giu sper Cuera igl onn 2012 hai jeu supponiu che la derasaziun vegni a succeder spert. Denton ha ei cuzzau sis onns entochen ch'ei ha dau novs roschs en Surselva. Quei ei iu bia pli plaun che quei ch'jeu havevel sminau. Ussa havein nus treis famiglias da lufs che vivan per gronda part sin territori sursilvan e forsa sedat beingleiti ina quarta.

## Animal diabolisau

*En Svizra ei la discussiun davart il retuorn dil luf fetg cuntraversa. Daco ei quei aschia e tgei experientschas haveis Vos fatg en autras tiaras?*

*L'intervista ei vegnida fatga a scret.*

# Da «White Heart» e dalla veta dil luf al Calanda

Il cudisch «Wolfsodysee – in viadi el reginavel tschelau dils lufs» da Peter A. Dettling ei cumpariu

DA HANS HUONDER/FMR

■ Il cudisch «Wolfsodysee» ei aschidadir il resultat dalla lavur da perscrutaziun, foto e film ch'il Tuatschin Peter A. Dettling ha fatg ils davos 16 onns. El ralata da si'emprema scuntrada cun lufs, dalla historia dil luf en Surselva e dalla veta dil triep da lufs al Calanda, mo era d'auters el Canada. Igl ei in'interessanta publicaziun, adattada per in e scadin che vul saver dapli davart il luf. «Wolfsodysee – in viadi el reginavel tschelau dils lufs». In meglier tetel haveis Peter A. Dettling buca saviu catar per siu cudisch davart il luf. L'ovra cumparida quels dis ella Casa editura Werd & Weber SA a Thun/Gwatt respnda numnamein la fascinaziun digl autur per quei animal da rapina grond, mo era si'enorma perseveronza da perseguitar el. Tgi ch'ei magari ella natira e persequitescha la fauna sa che veser igl animal preferiu pretenda pazienza e meinsvart era bia direzia, surtut ils muments che l'aura ei buca sco en stiva. Quei ha Dettling ch'ei carschiu si a Sedrun e ch'ha anflau siu secund dacasa el Canada fatg sur biars onns. En quei temps eis el era daventaus pertscharts dils conflicts denter carstgaun e luf, surtut leu nua ch'il luf ei sederasaus suenter esser vegnius diabolisau ed extirpau pli baul. Aschia en Svizra, el Grischun ed en special era en Surselva. Ins sa esser pro ni contra luf – mo ins duess enconuscher la natira digl animal avon che giudicar el cun pregiudezis. Quella via ei il fotograf, filmader e scribent tuatschin ius cun tutta consequenza.



La scuntrada digl uors culs lufs – fotografada da Peter A. Dettling.


FOTOS MAD

**Dil Grischun a Canmore**  
Il cudisch cun 268 paginas e biaras interessantas fotografias ei la lavur da Dettling duront ils davos 16 onns. El ha perscrutau, filmau e surtut era fotografau lufs en differentas tiaras – aschidadir naven da Schlans entochen Yellowstone. El ha dau nums a lufs – denter auter «White Heart» – ch'ei curdai specialme in egl ad el. Dettling relata d'interessantas scuntradas cun persunas engaschadas en favur dil luf e descriva ses viadis ora ella natira, lunsch naven dalla civilisaziun. En ina maniera autentica e captivonta rapporta el da sia observaziun, ses sentiments e sia veta dil luf, cumbinada cun constatziun e sco-

partas dalla scienza. La publicaziun lai separticipar il lectur als viadis intensivs digl autur ella natira. Aschia per exempel la scuntrada cul luf dalla Surselva avon 14 onns. El ei staus igl emprem ch'ha fotografau in luf returnau en Surselva, la fotografia ha fatg furore. La Casa editura Werd & Weber SA scriva: «Il cudisch ein in plädoyer incarnau per ina coesistenza da luf e carstgaun.» Il medem mument ei il cudisch denton era ina revista che descriva la tscherca dil spért dil luf.

**Per la debatta politica**

«Wolfsodysee ei ina biografia, ina historia dalla natira, in perscrutaziun dil sede-



Il frontispezi dil niev cudisch da Peter A. Dettling: «Wolfsodysee».

putar dil luf ed in'aventura enina. Igl ei ina retschera detagliada d'in ambient autentic, cumbinada cun registraziun fascinontas», puntuescha la casa editura ed igl expert dad uors, autur e reschissur *Reno Sommerhalder* giudichescha l'ovra suandontamein: «La savida che Dettling ha recaltgau en ina moda fetg dira ei ina dallas impurtontas vuschs el cumbat per la protezzion da quella creatura da fetg grond'impurtonza ecologica.» *Elli H. Radinger*, l'autura dil cudisch «Die Weisheit der Wölfe», puntuescha: «Quei ei in fetg impurtont cudisch che vegn a procurar per discussiun, surtut en veta al retuorn dils lufs en Svizra.» *Kurt Kotr-*

*schal*, professor all'Universitad Vienna, scenziau dil comportament ed autur constatescha: «Igl ei in dils pli impurtonts ed actuals cudischs davart il luf ed il carstgaun.»

**Malegiar – fotografar – filmar**

Peter A. Dettling ch'ei naschiu 1972 e carschiu si a Sedrun ha fatg igl empredissadi sco designader da construcziun aulta avon ch'entscheiver a sededicar cumpleinamein agl art e la fotografia d'animals selvadis. 2005 eis el emigraus el Canada, oz viva el per gronda part a Canmore sper Banff. 2013 eis el returnau per 16 meis en Svizra nua ch'el ha persequitau intensivamein la famiglia da lufs al Calanda. In dils impurtonts eveniments ch'ha svegliu sia fascinaziun pil luf datescha digl onn 2005. Lu ei Dettling numnamein seconfruntau cun diesch lufs. Quella sentupada ha lu mai dau ruas al fotograf. Dapi lu ein numerusas fotografias da lufs en Surselva, al Calanda, el Canada ed ils Stadis Uni dall'America reussidas ad el. «Wolfsodysee» ei aschidadir ina biografia, ina historia dalla natira, perscrutaziun dil comportament dil luf e leutier in viadi d'aventuras. La publicaziun duei svegliar la capientscha e l'empatia pil pli vegl cumpogn dil carstgaun: canis lupus – il luf.

«Wolfsodysee» da Peter A. Dettling. 268 paginas el format 16 x 23 cm. 83 fotografias. ISBN 978-3-03922-011-3. Prezi 39 francs. Il cudisch ei cumpariu ella Casa editura Werd & Weber SA a Thun/Gwatt. [www.werdverlag.ch](http://www.werdverlag.ch)